

M E T A L L I C A.

CHALYBIS RUBIGO

præparata.

LIMATURA chalybis aëri exposita humectetur sæpius aceto. vel aquâ, donec in rubiginem convertatur; deinde tere in mortario, et affusâ aquâ pulverem subtilissimum abluere: residuum verò, quod modico tritu in pulverem facillè abluendum non redigitur, humectatum aëri diutius expone; et denuo in mortario tritum abluere, ut prius. Pulvis ablutus siccandus est, et asservandus.

CHALYBS SULPHURE

præparatus.

CHALYBS igne acerrimo excandefactus bacillo sulphuris admoveatur, ut liquecat, et guttatim in aquam suppositam decidat; deinde separetur a sulphure simul in aquam defluente, et in pulverem subtilissimum redigatur.

FLORES MARTIALES

æ. Colcotharis vitrioli viridis loti, vel limaturæ ferri P. libram unam.

Salis ammoniaci P. libras duas.

MIXTA sublimentur ex retortâ, et quod in retortæ fundo restat, cum floribus simul terendo misce, iterumque sublima, ut flores colorem pulchrè flavescens acquirant.

RESIDUO tandem addere licet salis ammoniaci P. libram dimidiam, et sublimationem denuo

nuo instituere; idemque reperere, quamdiu flores bene colorati sunt.

LIXIVIUM MARTIS

RESIDUUM post florum martialium sublimationem loco humido seponatur, liquor defluens seruetur ad usum.

SAL MARTIS

℞. Spiritus vitrioli fortis, olei dicti, ꝑ. uncias octo,
Limaturæ ferri ꝑ. uncias quatuor,
Aquæ M. libras duas.

MISCE, et, cessante ebullitione, stet mixtura aliquamdiu super arenam calidam; deinde liquorem effusum per chartam cola, et post idoneam exhalationem sepone, ut crystalli formentur.

CAUSTICUM LUNARE.

ARGENTUM purum duplo circiter pondere aquæ fortis super arenam calidam solve; deinde, calore leniter aucto, exsicca; postea in crucibulo liquetac, ut in formas idoneas effundatur, cautè evitato nimio igne, in materia ultra modum crassescat.

SACCHARUM SATURNI.

COQUE cerussam in aceto distillato, vase plumbeo, donec acerum satis dulcescat; deinde acetum per chartam cola, & post idoneam exhalationem sepone, ut crystalli formentur.

LAPIS

LAPIS MEDICAMENTOSUS.

- ℞. Aluminis,
 Lithargyti,
 Boli Armeniæ, aut Gallicæ, singulorum P.
 libram dimidiam,
 Colcotharis vitrioli viridis P. uncias tres,
 Aceti M. uncias quatuor.

MISCE, & exsicca, donec indurescat.

STANNUM PULVERATUM.

STANNUM liquefactum in pixidem effundatur ligneam intus cretata, quæ celeriter succussa reducetur pars stanni in pulverem: reliquum iterum liquefactum eodem modo tractetur, donec totum in pulverem sit redactum.

ARGENTI VIVI

purificatio.

DISTILLA e retorta; deinde sordes aqua salsa, vel aceto ablue.

AURUM MUSIVUM.

- ℞. Stanni P. libram unam,
 Florum Sulphuris P. uncias septem,
 Salis ammoniaci,
 Argenti vivi purificati, singulorum P. libram dimidiam.

STANNO liquefacto adde argentum vivum, postquam mixtura refrigerit, in pulverem redigatur, sulphuri salique ammoniaco bene miscetur, & sublimatio fiat in matraccio: invenietur

Ⓓ

aurum

aurum musivum sub materiâ sublimatâ, cum
fordibus quibusdam in fundo.

ÆTHIOPS MINERALIS.

℞. Argenti vivi purificati,
Florum sulphuris illotorum, pondera æqualia.
TERANTUR simul in mortario vitreo, vel
lapideo, donec unitas facta sit.

CINNABARIS FACTITIA.

℞. Argenti vivi purificati ꝑ. uncias viginti quin-
que,
Sulphuris ꝑ. uncias septem.

SULPHURI liquefacto argentum vivum im-
miscce, & si mixtura flammam concipiat, extin-
guatur vas tegendo; deinde in pulverem redi-
gatur materia. & fiat sublimatio.

MERCURIUS CORROSIVUS

sublimatus, vel albus.

℞. Argenti vivi purificati ꝑ. uncias quadraginta,
Salis marini ꝑ. uncias triginta tres,
Nitri ꝑ. uncias viginti octo,
Vitrioli viridis calcinati ꝑ. uncias sexaginta sex.

ARGENTUM vivum in vase ligneo vel la-
pideo unciâ, aut amplius, mercurii sublimati
corrosivi jam confecti misceatur, dum in grana
minuta fractum sit; deinde cum nitro teratur,
postea cum sale marino, donec argentum vi-
vum omnino apparere desinat; tum addatur vi-
triolum calcinatum, quocum mixtura non ni-
mis diu conterenda est, ne argentum vivum
iterum confluat: denique sublimatio fiat in ma-
tricio

tracio vitreo, cui, si placet, capitellum aptes, ut spiritus, qui parvâ quantitate prodit, servetur.

MERCURIUS DULCIS

sublimatus.

℞. Mercurii corrosivi sublimati p. libram unam,
Argenti vivi purificati p. uncias novem.

MERCURIO sublimato trito adde argentum vivum in matraccio vitreo, & digerantur leni arenæ calore, vitro sæpe agitato, donec coëant, deinde, aucto calore, fiat sublimatio: materia sublimata, abjectâ parte superiori acri, & globulis argenti vivi, si qui forte appareant, in pulverem redigatur, iterumque sublimetur; quæ sublimatio sexies repetenda est.

MERCURIUS CALCINATUS.

ARGENTUM vivum purificatum ponatur super ignem arenæ per plures menses in vase vitreo, lacum fundum parvumque foramen aëri patens habente, donec in pulverem rubrum calcinetur.

MERCURIUS PRÆCIPITATUS

albus.

℞. Salis ammoniaci.
Mercurii corrosivi sublimati, pondera æqualia.

SOLVE simul in aquâ, per chartam cola, & solutione salis alicujus alkalini fixi præcipita; pulverem præcipitatum ablue ad perfectam dulcedinem.

D 2

MER-

MERCURIUS CORROSIVUS

ruber.

℞. Argenti vivi purificati,

Aquæ fortis compositæ, pondera æqualia.

MIXTA in vase lati fundi incalescant igne arenæ, donec exsiccata massa rubicundum colorem acquisiverit.

MERCURIUS CORALLINUS.

MERCURIO corrosivo rubro affunde tripulum circiter pondus spiritûs vinosi rectificati, & leni calore digere per duos vel tres dies, vas sæpe succutiens; deinde spiritum accende, assidue pulverem agitans, donec spiritus totus deflagaverit.

MERCURIUS EMETICUS

flavus.

ARGENTO vivo purificato affunde in vase vitreo duplum pondus spiritûs vitrioli fortis; gradatim incalescat liquor, & deinde ebulliat, donec in fundo remaneat massa alba, quæ forti igne penitus exsiccanda est. Hæc massa, aqua calida affusa, statim flavescet, & in pulverem fatiscet. Teratur diligenter cum hac aquâ in mortario vitreo; & postquam pulvis subsederit, aquam effunde, &, recenti aqua aliquoties affusa, abluatur ad perfectam dulcedinem.

SULPHUR ANTIMONII

præcipitatum.

℞. Antimonii ꝑ, uncias sedecim,

Tartari

Tarrari p. libram unam.
Nitri p. libram dimidiam.

SEPARATIM in pulverem redacta, bene misceantur; sensim immittatur mixtura in crucibulum candens, & liquetur forti igne; deinde effundatur in conum fusorium, & pars metallica, antimonii regulus vulgò dicta, fundum petet, scoriis supernatantibus. Scorias in aquâ solve, & liquorem per chartam cola; deinde salis marini spiritum instillando sulphur præcipita, & postea a salibus aquâ abluë.

CROCUS ANTIMONII.

℞. Antimonii,

Nitri, pondera æqualia.

SEPARATIM in pulverem trita probè misceantur; deinde gradatim injiciatur mixtura in crucibulum candens, ut liquetur; materia effusa separetur a scoriis: varii erit coloris; eoque magis flavescet, quò diutius in igne liquata fuerit.

CROCUS ANTIMONII

lotus.

CROCUM in pulverem subtilissimum redactum in aquâ coque; quâ abjectâ, denuo aquâ calidâ aliquoties abluë, donec omnino dulcescat.

TARTARUM EMETICUM.

℞. Croci antimonii loti,

D 3

Cry-

Cryſtallorum tartari, ſingulorum p. libram
dimidiam,

Aquæ M. libras tres.

COQUE per horam dimidiam; deinde cola
per chartam, & ritè evaporatum ſepone, quò
cryſtalli formentur.

CALX ANTIMONII.

ANTIMONIUM in pulverem redactum ni-
tri triplo ponderi probè miſceatur, & grada-
tim in crucibulum leviter candens immittatur;
deinde mixtura ab igne remota aquâ abluatur,
tum a ſale adhærente, tum a parte craſſiori mi-
nùs perfectè calcinarâ.

CAUSTICUM ANTIMONIALE.

ꝑ. Antimonii p. libram unam,

Mercurii corroſivi ſublimati p. libras duas.

SEPARATIM in pulverem redigantur, pro-
bè miſceantur, & fiat diſtillatio ex retortâ, cu-
jus collum amplum ſit, leni igne arenæ; quod
in retortæ collum aſcendit, aëri exponendo in
liquorem reſolvatur.

CINNABARIS ANTIMONII.

QUOD in fundo retortæ reſtat poſt confe-
ctum cauſticum, in matraccio loricato igne aper-
to ſublimetur.

AQUÆ